

同里志卷之二十四

藝文志下

集詩

自唐皮日休有松陵集宋孫覺石處道有松江集  
范石湖有松江續集元朱良實有松陵續集明史  
元有松陵耆舊傳潘力田有松陵獻集周永年有  
松陵別乘 國朝朱愚菴有松陵文徵章中行有同  
川風雅集張雪湖有松陵詩約顧髮千有松陵耆  
舊集袁樸村有松陵詩徵甚矣松陵全集之多也  
里中著作家亦不少刊彙行世惜不得盡見而有  
關里中風化者又少茲不拘體例哀集一編凡有

同里志

卷二十四

集詩

一

遺漏續增可也志集詩

宋

賦順適堂

見順適堂吟藁

葉茵

暗觸少陵機茅居峙竹扉安時貧亦樂聞道詠而歸鳧  
鶴從長短鳶魚自躍飛我猶臧穀耳 是邪非

次范無外孫花翁遊法喜寺韻

見邑志下二十六詩同

兩橋橫處放潮回橋外花村漲晚埃省事老禪門閉早  
焚香對月禮如來

江流環合路紆回香火千年路少埃佛法本從方寸起  
逢人剛道自西來

尚湖

楊萬里

尚湖名是實全非只合松江雁鷺池若與五湖通譜系  
澹臺湖是太湖兒

元

遊龐山訪龐雲翁

千文傳

山本無名恰有名入山山意自分明牆隨畦畛高低築  
船趁沙灘遠近橫別崦午晴雞喔喔隔林風細鳥嚶嚶

山翁獨把煙霞占五十餘年未入城

贈雲外道者靈寶治中

有序

王逢

余過吳江同里洞真觀黃碧巖丹房會雲外道者曰  
木真氏名靈保字祐之嘗為鎮南王長史統騎兵五  
百人征汝蔡妖黨以功聞賜金幣上尊陞司馬至正  
十六年三月長槍軍帥大張鑑叛據楊州王退駐  
淮安時憲使褚不槍拒寇趙負城胡陳寨首鼠兩間  
靈保說胡誘獲趙人畜千計既飢軍相食數求

同里志

卷二十四 集詩

一一

老張平章援不為應復將王命問道走京師告危急  
狀大臣嘉之授濟南路治中議督諸部救十月城陷  
不花抗敵死王被執逾月不屈死妃某偕水死焉靈  
保得王凶問由海趨浙遂寄迹老氏葢數年矣與之  
交旬日意氣殆欲相從於閬風之上者因壯其前高  
其後序而詩曰

菲衣麻屨今道者元是親王右司馬雪尾羔羊蒸瓠肥  
金盤露酒明河瀉主畫才優彤邸間督戰功收霍邱下  
濟南別駕本遙授誓欲勤王膏草野先時張鑑叛揚州  
孤軍退在籌邊樓老張平章擁精銳間道蠟書躬遠投  
近郊雖順等狼子千里橫亘長淮鱗鵠形徒志牛後蕪  
龍種竟逐鴟夷浮申胥血淚霽雲鏃落景荒寒影淒獨  
去燕畱吳百朮胸蘇臺又復遊麋鹿三萬頃湖七十峯  
一筇一篷娛老足胎禽將雛桐白華遇我黃石仙翁家

蕊珠真經已暗誦滿月澹暈天東霞來者玩迅電往者  
歎逝水擬招安期生更拉偃佗子閭風共揖長爪姑試  
問蓬萊清淺還有幾

雪篷圖詩

有序

蔡子堅家吳淞之上日以耕釣爲樂文人才士咸喜  
與之遊嘗作漁舟江上其篷窗矚屋不事藻繪惟以粉  
堊爲飾名曰雪篷子堅時把釣垂綸攜琴引鶴得魚  
沽酒僉客賦詩其中以適其意俞貞木馬公振輩以  
爲愈于乘興剡溪之上者

歲晚天空玉一簑滿船書畫壓銀河鮫人室露雙冰鯉  
神女峰沉幾翠螺  
尊前小海度漁歌

烟波浩蕩真堪樂日咏東家綠樹多

儉德堂懷寄吳士益

名惟諒宋八行先  
生後有碑在郡庠

同里志

卷二十四

集詩

三

不屑三家仕真爲八行孫水泔菰米澤烽火棗華園良  
馬寒辭坂靈烏暮識村還期巷南北相送月過門

同里

倪瓚

依微同里接松陵綠玉青瑤繚復縈爲咏江城秋草色  
獨行烟渚暮鐘聲黃香宅裏畱三宿甫里門前過幾程  
借書市藥時來往不向居人道姓名

同里懷元用

一水東西雲窈窕幾家楊柳木芙蓉齋居出入無人到  
屐齒經行破蘚封密竹窓虛秋半雨楓林市遠日沉鐘  
寄詩爲道長相憶想亦依依念去蹤

次同川

李繼本

鴉噪晚涼天新晴景豁然柳橋通水市荷港入湖田鷺  
影沙頭月人烟渡口船相過又相別書到是明年

寄顧仲瑛寓法喜寺

謝應芳

客來喜得平安信蕭寺樓居日掩扃湖近浪搖窓影白  
地偏苔沒履痕青群賢方結蓮花社小楷猶鈔貝葉經  
歲晚歸舟經甫里好尋漁父過寒汀

明

題甯氏萬玉清秋軒圖

郭登

王謝堂前久不歸野田荒樹幾斜暉花開花落秋還在  
年去年來事已非楊柳風多凋翠縷芙蓉霜重濕紅衣  
故人空感山陽笛一段傷心畫所微

同里志

卷二十四

集詩

四

前題

周叙

舊家原在同川曲世振勲庸秉鈞軸雲初繼者太中賢  
解印歸來悅幽獨別墅遙從天上開竹間處處起樓臺  
歲寒屏古蒼松老來鶴亭深碧澗迴亭前橘柚千株繞  
圃上芙蓉蔭芳沼殘荷細卷玉露清疎柳低垂紫烟繞  
長坡迤邐籬菊芳花開三徑如柴桑萬斛香生金粟塢  
滿庭陰遶碧梧岡岡梧見說曾棲鳳鳳去庭空如昨夢  
只餘萬玉在新圖往事繁華竟何用當時故族稱雪洲  
二家文物同風流雪洲令子太中倩冰玉相輝不易求  
陵遷谷變流光度回首塵寰重增慕賓鴻社燕幾春秋  
砌蚓池蛙自朝暮雲林咫尺吳江湄城郭故在人民非

名園疊榭總零落湖光樹色猶依微玉堂先生雪洲後  
圖畫當年喜重購甥館應符宅相賢蘭堦尚想先人舊  
摩挲故物重徬徨幽深一似平泉莊茂苑遺芳何處覓  
松陵風雨秋荒涼

前題

楊浦

社燕賓鴻共歲華松陵禾黍故侯家誰令千載柴裏  
一度秋風一度花

金谷紛華逐世塵輞川圖畫幾時存鷗波浩蕩孤舟穩  
贏得詩書教子孫

前題

劉鉉

甯公在昔稱時賢頭顱半白來歸田老懷淡泊慕幽雅

同里志

卷二十四

集詩

五

高居別築在同川數畝園林占清寂四時景物誇奇妍  
賔從日盈北海座琴樽晚載南湖船一朝陵谷那知變  
廢盡東吳舊庭院扶疎修竹爲誰青零落芙蓉不成片  
白雲飛去鶴不來只有堂前舊時燕春深幾樹花亂開  
無復當窓映人面繁華往事今已休東床老去懷重遊  
歌舞重尋甥館處蕭索碧梧風雨秋陶令宅邊松尚在  
習家池上水空流追思自足興感慨何獨對此方爲愁  
六十年來駒過隙俛仰之間已陳迹畫圖寂寞久無聞  
流落人間匪朝夕客從何處遠持來佳致依然不殊昔  
夢回昨夜到松陵鐘斷長橋月初白

過訪何方伯

張居傑

遙望同川雲樹蒼別來不覺幾星霜歸休日結香山社  
訪舊重登綠野堂酒泛流霞人似玉衣明宮錦鬢如霜  
更期後會知何日暫把離懷付短章  
九重優詔許還鄉便向林泉結草堂筇竹杖移花下月  
鹿皮冠壓鬢邊霜甕開春酒流霞暖簾捲香風化日長  
賦就閒居身自逸湖山佳處足徜徉

前題

魏驥

白首歸田自五雲達尊閭巷許推輪四朝不懈摠忠悃  
二品何慙沐聖恩秩秩圖書仍滿屋陰陰桑梓更連門  
升堂又喜稱眉壽詩禮雍雍好子孫

送何方伯還吳江

張洪

同里志

卷二十四

集詩

六

朝辭日華觀夕宿香荷浦瓶攜閉瓮春衣沾過雲雨秋  
風入行裝涼颼滌煩暑白雲空在望故山渺何許本欲  
快私情翻爲眷賢主昔人在江湖戀闕不遑處况子當  
國身勤勞固其所心旌何搖搖悠哉念鄉土

送莫旦還吳江

邢讓

籍甚才華衆所推賢關兩賦見襟期頻年自養青雲器  
此日人傳白雪詞璞壁未消和氏恨鱸魚先動季鷹思  
他年春榜羅賢俊遲爾重來對玉墀

題盤窩

姚明

裁桑裁竹日殷勤風景曾從李愿分千澗落花流曲曲  
何人尋得到深雲

不到江城今幾載水旋山繞是幽棲野禽亦自知人意  
只向低低花樹啼

夕次同川

姚廣孝

長江接遠天一望一茫然夕靄迷沙樹寒鴻落渚田林  
香通佛寺岸語到商船野路偏難識經過况隔年

重過同川

韓奕

攜家曾此避兵塵川上花開幾度春頭白重來如故里  
看花應少舊時人

李逸人同川藥隱

徐賁

小市離村遠門當水竹開芷蒲皆藥草雲鳥盡詩材春  
兩躬耕去斜陽訪病回花藏溪上路只許酒船來

同里志

卷二十四

集詩

七

翊靈道院會集贈任翁伯通

見歸田集

吳驥

冉冉流年去瀟瀟宿雨餘都拋塵世事共讀道家書貴  
賤俱成夢功名半是虛相逢能幾度不用問何如

道院東軒作

見松陵詩約  
下二詩同

任伯通

蘿逕無人落葉深卷簾清晝對遙岑逢秋漸有登山興  
多病長懷出世心閒讀道書參妙訣偶尋野客話空林  
幽栖卽事多欣賞莫遣閑愁兩鬢侵

卜築龐山作

任仲眞

餘生只合付林泉白日難迴滄海天耕稼吾家原舊業  
逍遙自古足游仙花開不絕壺觴侶溪僻同登書畫船  
一枕香風北牕外稻花千頃是湖田

構有竹園

樗穀旣已芟藜藿亦已刈心目兩曠然跬步無所礙幽  
竹扇清風野花香掩蘼小石當繩牀大石几可代獸坐  
看道書飲水如沆瀣

題樂壽堂

見邑志下  
八詩同

姚 哲

靈君兩相照虛白無纖疑尺布嘗自警一錢豈容私耨  
仁與耨義日夕生華滋何須勒盤銘耿耿恒若茲秋高  
天氣清月寒波靜時畱此貽後人荒穢請

前題

顧 元

一派墳箴繞畫堂春風棠棣正芬芳白頭猶念天倫重  
肯信人間有閱牆

同里志

卷二十四

集詩

八

芋頭餅

沈 周

綵萌方長折作餌精相仍香劑圓從範青膏軟出蒸女  
工虛鄭縞士宴奪唐緩我有傷生感臨餐獨不勝

題感梅亭

任 德

回首秋風慘北堂空悲手澤寄孤芳物華榮悴仍旋轉  
人事嗟吁竟渺茫義起杯圈心愈切詩成陟屺夢何長  
廣平更有當年賦未必無言爲爾傷

前題

岑 標

慈母當年爲投核母亡今見樹輪困根株追慕生前植  
枝葉難忘沒後身雨露沾濡悲手澤冰霜饜虐想精神  
慈鳥啼月空庭夜愁殺孝思頭白人



前題

劉文奎

只爲前人種植難中心思慕廢吟觀迎春結子無逾早  
逗雪生葩不爲寒風雨欲來嘗依樹星霜雖邁尚憑闌  
隴頭寄後無消息收拾調羹在太宮

前題

顧寬

中秋月照感梅軒兒在梅邊泪泫然明月去來還有約  
種梅人不返重泉

前題

文徵明

百年嘉樹未凋零手澤聊存阿母靈小檻春風新結構  
疎籬殘雪舊儀形芳情脉脉寒輸鼻夜色離離月印庭  
珍重諸郎好培植自拈逋語作詩銘

同里志

卷二十四

集詩

九

阻風宿九里湖

雲洩長空斷雁呼水聲催岸雜風蒲扁舟卧聽三更雨  
一葦難航九里湖繞榻波濤歸夢短隔林烟火遠村孤  
人生何必江山險咫尺離家卽畏途

舟過吳江贈湖村兄

見山海漫談

任環

松陵大有人晏坐在茅屋川平白鳥飛交翠千竿竹姬  
孔示周行非聖書不讀萬古此心澄明月來空谷

四十述懷

見松陵詩約

任秀之

忽忽恒同夢無端四十年鬚眉將老去天地尚茫然難  
挽長江水悲歌寶劍篇臨流坐垂釣終日對清漣

過先業飲馬橋

見陸雲祥國初陸氏辨畧

陸鯉

芳草萋萋綠滿溪  
出巢乳燕帶芹泥  
徒聞舊宅人常醉  
不見橋邊飲馬嘶

同川六景詞

調漁家傲  
見三餘館集

趙重道

長山嵐翠

平岸縈斜青嶂小  
雲屏如帶長煙繞  
寂莫荒原昏復曉  
空啼鳥數聲叫斷蒼旻杳  
爲欲尋芳時一到  
攜朋踏破閑花草  
命酒班荆還坐笑  
情何了須臾月上蓬萊島

九里晴瀾

一鑑澄湖無十里  
舞鷗浴鷺煙波裏  
虛白涵空清澈底  
誰堪比晴光如練霞如綺  
落日放船風細細  
沿流潏岍尋蕭寺  
且向漁翁覓雙鯉  
呼不起閒心一片依秋水

同里志

卷二十四

集詩

十

林臯春雨

漠漠春陰林薄晚  
一犁纔向東臯返  
細雨斜陽尋酒伴  
歌宛轉聲聲猶唱春歸緩  
四望平原芳草徧  
荳花落盡 暖柳線牽情風又斷  
天涯遠年年目送江頭燕

蓮浦香風

水閣涼生天送雨  
輕風煽遠來南浦  
十里荷花香萬縷  
空中度暗窓馥馥聞芳杜  
檀麝飄揚仙袂舞  
露珠滴碎天葩吐  
試聽采蓮歌已暮  
蘭橈去煙波江上迷歸路

南市曉煙

富士由來稱絕麗  
而今南陌煙光翠  
臺榭高低臨水際  
人如蟻雨揮珠汗  
雲連袂 錯落牙籌波鼎沸  
花陰凌

鶯聲碎獨共他鄉風景異天初霽吳儂解弄千般技

西津晚渡

一水襟分城府隔雲帆來去江流急晚照西斜山襯碧  
流光迫歸人喚渡蘆花側 舟子招招水中立撐開小  
棹飛何疾燈火千門半昏黑愁惻惻深閨目斷棲林翼

遊法喜寺

見浩菴詩藁

陳王道

法喜何年寺招尋偶一過禪扉枕湖上梵宇出林阿僧  
榻朝煙白齋鐘午篆多因茲觀寂靜慚愧聽鳴珂

方正學墨竹爲任氏世藏

見惺齋集

陳紹文

開卷爽颯秋滿幅扶疎幾竿見修竹亭亭森立巖谷間  
悅積千年風雨足正學先生品節貞風骨卓勁見性真

同里志

卷二十四

集詩

十一

追緬丰儀已隔世瞻對此君見其人石予任公交以道  
結廬高隱塵俗埽德媿綠筠長挺然爲寫琅玕成墨寶  
令嗣應召宦南康有竹名居比黃岡愛懸墨竹覺蕭瑟  
壁間流出青霞光此幀已古歷冰霜披圖展玩神逾蒼  
裔孫竹堂善珍守人其杳矣跡猶藏嗚呼人其杳矣跡  
猶藏

大清

過龐山湖

見邑志

朱鶴齡

淞江非往蹟百里半漁簑波浪隨葭菼徵輸到芰荷鷗  
羣出浦聚雁影帶沙多一棹寒江外悲來試短歌

蓮浦讀易

見坦齋遺藁下  
一詩同

任大任

落枕雞聲喔喔穿簾月影疎疎清曉起來讀易柳梢露  
滴研朱

東溪

何人策杖獨往有客抱琴共還一葉扁舟江上百年古  
屋林間

畱別任鈞衡

見松陵詩約

章夏

碑畱千古句人在幾重山上下青牛背婆娑綠樹間從  
來無吏跡何處傲芳顏莫上柴門鎖畱我一往還

贈任鈞衡

見勉齋集

章夢易

六藝書居一本立斯末從心正敬不馳德性資陶鎔延  
陵畱表墓孔子字之宗古文變八體樸散漓淳醲述者

同里志

卷二十四

集詩

十二

多哲匠遺跡寶璜琮當其臻衆妙未可語凡庸骨秀天  
所賦問學亦勤攻吾友任鈞衡臨池情所鍾柿葉儲千  
斛筆塚若堂封熟極巧自生資深源得逢悅入鍾王室  
揮豪千變容怒猊兼渴驥舞鳳并蟠龍慣作三折法時  
能雙手供求者穿石限籠鶯非所惜爲我作署書銀鈎  
側理重點畫盡飛騰體勢盡橫從展視自豁然不覺  
心胸君實出塵土靈臺非所壅染翰本寄興寧肯等書  
傭偃仰蕭齋內白首一章縫

送戴耘野次韻

見詩徵

趙沆

葛剋野服盼庭柯踪跡難邀城市過高遯薛方諧俗少  
還家周黨愧人多江湖滿地嗟如此莼膾新秋興奈何

漫道吳郊無隱士白雲深處結藤蘿

喜林公祖視篆松陵見顧見裕哉詩集

周爰訪

九牧清門冠玉融三吳泥軾按垂虹蘭陵香被楓江北  
茂苑花移笠澤東膏雨新田憔悴起馳烟古驛轉輸通

屏星到處皆堪最入奏爭誇御史驄常州別駕先是署長洲篆

題王仁齋遺照見王氏宗譜

衣冠甚古笑麕生窩手揮玉麈清談最多左莊右老妙  
緒吟哦繭紙硬黃書成換鶯病者遇之而輒瘥舉世或  
疑為華陀

晚過西畝菴見詩徵下詩同 周爰詔

夙羨湖灣野寺幽閑緣白首更停舟銜山日照雲霞晚

同里志 卷二十四 集詩 十三

繞渚風生蘆荻秋略約仍前通曲徑琅玕依舊接平疇  
居僧莫訝來新客曾共當年蓮社遊

辛酉七月送周裕哉之官昆陽 顧棟南

委質承朝命催程府史憂感恩輕萬里別母畏孤舟去  
應憐遠思家不盡愁倚閭何日慰李密勝封侯

同徐臞菴過懺院見秦阿焚餘稟 陳 銳

晴雲碧樹素秋時賦我廬居共賞奇漫逐午鐘尋梵宇  
愛摹古篆拭殘碑門雖近市囂塵隔室為臨流鷗鷺窺  
腸斷徵君蓮社裏頻來揮塵捉松枝

同川戴隱士耘野居此見邑志下一詩同 吳時森

蕭蕭五柳映柴扉回首高風事已非一室僅藏班馬筆

百年終老薜蘿衣  
煙寒土竈迷朝雨  
塵掩藜牀暗落暉  
空有野花無數發  
相看多似

舟過九里湖

周龍藻

湖光浮動夕陽天  
小小村墟思渺然  
漁女老憑舟當屋  
農夫閒占水爲田  
荻蘆風過洲洲雪  
桑柘陰倉戶戶烟  
却指江城剛十里  
望中孤塔早高懸

祝王母顧孺人壽

見王氏宗譜

周杭

男兒有志何必富  
貴爲軟紅塵裏事  
可知富貴不已求  
神仙何人却見海  
水成桑田達哉古  
之士躬耕養親眞  
樂耳太原有母壽  
百齡黃髮兒齒身  
康寧貞松歷雪一  
何苦偃蓋鱗龍一  
何古北堂介壽承  
顏色子心稱願無

一壺市隱足甘旨  
此外焉知侯與公

送龐介軒學博之任池陽

見詩徵

顧景昌

江干桃李正芬芳  
把酒臨歧別思長  
此日春風隨棹去  
應知披拂滿池陽

同靜宜水花園晚眺寫懷

見澆松軒集下同

顧我錡

落日映滄波  
聯鑣此夕過  
煙深遙艇沒  
雲盡遠山多  
路饒荆棘生涯在  
薜蘿尋常戀君意  
同此歲蹉跎

棲碧堂讌集次俞石舟韻呈覲揚

良朋咫尺見時難  
嘯咏能忘此日歡  
下筆始知詩格健

揮杯偏覺酒腸寬  
雲光澹澹延春晝  
雨脚疎疎釀薄寒  
判欲與君同醉倒  
少年豪興未應闌

題龐介軒涵清閣次韻

見漫恬詩鈔

袁棟

萬象牢籠足卧遊  
盪胸豁目瑣窓幽  
參差疊嶂分螺翠  
屈曲遙江學字流  
月白有觴招放鶴  
風清無物觸虛舟  
飛空片片雲霞近  
不敢高吟謝眺樓

曾叔祖母顧孺人壽詞

見王氏宗譜下二詩同

王錫

林下風傳謝瑤池  
母姓王人言旌節  
里又見百年坊聽  
說高曾事如聞梨  
棗香古人今在邇  
蓬海閱滄桑

宗祠前義井

古道山之陽解渴猶遺善  
行人千萬來轆轤千萬轉

同里志

卷二十四

集詩

十五

王澹園七十壽詞

周脊

誰言仙山不可遊  
仙翁遊處皆瀛洲  
誰言仙酒不可得  
仙翁有酒如川流  
西山咫尺本仙境  
滿載仙侶同仙舟

是日同人遊石湖

瑤林瓊樹紛滿眼  
飄飄鸞鶴多於鷗  
牙檣錦

帆信風去玉簫金管何悠悠  
仙音飄渺仙雲留  
龍麟作脯羅珍羞  
駝峰象白夫何求  
鯨吞綠蟻殊未休  
蟠桃不顧東方偷  
湖心彷彿出蓬島  
仙翁乘醉登鰲頭  
衆仙從之歌且舞  
洪厓擊節隨浮邱  
瑤笙隱隱度天末  
仙翁歸思方夷猶  
昔聞謝公泛滄海  
空攜絲竹回船樓  
何如仙翁近遊好  
歸來雙鬢簪紅榴  
醉弄玉童有餘樂  
蒲人艾虎迎懽眸

時五月二日爲誕辰

請翁明日飲江上  
更看畫鼓驅蒼

虬洞庭林屋隨處是東溪豈非笠澤喉羅星一點作砥  
柱仙手方試隄防謀時監修羅星洲重臺疊閣儼巨鎮虬梁百  
尺煩綢繆會當突兀眼前起平地快覩三山浮時時與  
翁載酒醉其上不須更問八千歲以爲春秋

同人遊吉祥菴

見樓詩藁遠

金廷炳

良朋選勝日遲遲拂面春風欲午時一望菜畦鋪繡陌  
千層麥浪映清池禪扉靜叩私攜酒雜坐分鬪共詠詩  
樂意關心原不遠流鶯宛轉在高枝

登羅星洲文昌閣

見廬詩小草

袁景輅

春光無近遠往往在僧寺地靜心亦清寓目皆生意小  
閣水中央四顧臨無地纖鱗戲萍末初鳥鳴天際波濤  
同里志 卷二十四 集詩 十六  
擁新色雲巒落空翠一一閣中景盡洩三春秘登覽曠  
心神予懷此獨契

龐湖秋泛和韻

見松陵唱和鈔

周 羲

江楓葉落近重陽泛棹溪頭野菊香風起幾回尋蟹舍  
日斜何處問鱸鄉湖光山色供雙眼畫意詩情貯一囊  
羨煞老漁饒逸興荻蘆陰裏醉壺觴

重遊西畝菴同人分韻得遊字

見墨莊詩鈔

不到茅菴五六秋攜朋重訪小村幽野塍幾曲忽迷徑  
叢竹四圍何處樓入室乍驚老衲去拂塵空看好詩畱  
故交回首眞如夢此日偕行異昔遊

王谷眞曾讀書菴中

疎柳橋春眺

見翠娛樓詩草

金文城



忽忽已三月年光奈似梭  
徑幽芳草碧水淺落花多身  
獨臨流坐人誰載酒過橋名  
仍疎柳無柳悵如何

題心齋居士詩藁

見心齋詩藁

王祖琪

丹崖萬丈碧澗千尋中有孤  
桐歷歲月深斲彼孫枝以  
制雅琴朱絃不張含太古音

同川權歌

見吳中女士詩鈔

劉守忠

潮生閣裡握文犀吟榭聯吟  
壓卷題林下風來工咏絮  
清溪家住小東溪

夏日偶吟

見詩徵

名媛

顧氏

千竿修竹繞幽溪清影蕭疎  
入戶低好是午餘殘夢後  
綠陰深處有鶯啼

同里志

卷二十四

集詩

十七

遙夜不寐着懷慈親

見詩徵別裁集

金氏

兒病母扶持病安別母來所  
隔惟一水杳如在天涯悠  
悠我心愁愁向西南隈惱殺  
窓外風故把庭葉吹吹醒  
不成夢燈影空照幃豈獨兒  
念母母豈不憶兒遙知枕  
函畔搔首長嗟咨

寒夜不寐口占

見詩徵

姚棲霞

半庭殘雪暮寒生榻近梅花  
病亦清冷夢未成燈自滅  
疎鐘畫角一聲聲

觀蓮招龐山湖賞荷并觀競渡

見綠筠軒詩草擷芳集

梅芬

一片清波門鏡光飛鳧輕泛  
往來忙旌旗欲掩紅蕖色

蘭麝分和雪藕香畫舫笙歌遊子醉棠舟羅綺美人妝  
却憐此日湘江畔可有行人奠一觴

過渡船亭

見清溪  
詩稟

張滋蘭

渡船亭口水曾波一葉孤帆曉渡河隔岸桃花僧舍裏  
綠陰啼鳥一時多

秋夜懷心齋

見名媛  
詩繡鍼

雨霽銀鐙夕纖雲入暮天芙蓉還寂寞秋水自嬋娟寒  
雁聲疑斷虛牕夜不眠思君在高閣清夜撫冰絃

掃墓

見隨園詩  
話補遺

汪玉軫

略慰九原思子意今朝弱息挈孫來病軀只恐難重到  
家事從頭訴一回

同里志

卷二十四

集詩

十八